



Sarajevo 22-06-2026

02-19524-1/25

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22, 50/24), člana 95. Statuta Javnog preduzeća Elektroprivreda BiH d.d.- Sarajevo (broj: NO-2190/21-41./2. od 25.01.2021. godine, broj: SD-20745/21-70./6. od 30.07.2021. godine) i člana 10. stav 4. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj U-01-7735-1/23-245/8 od 10.03.2023. godine i Odluke o izmjeni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj U-01-40623-1/23-18/34 od 14.11.2023. godine), Izvršni direktor za proizvodnju **donosi:**

#### ODLUKU

**o izboru najpovoljnijeg ponuđača u Otvorenom postupku javne nabavke broj 2000045842 (broj sa portala javnih nabavki: 1405-1-1-99-3-217/26) – Nabavka rezervnih dijelova za transport produkata sagorjevanja**

#### Član 1.

Najpovoljniji ponuđač za predmetnu nabavku **rezervnih dijelova za transport produkata sagorjevanja**, izabran na osnovu provedenog otvorenog postupka broj 2000045842 pokrenutog po Obavještenju o nabavci broj 1405-1-1-99-3-217/26 objavljenog na „Portal javnih nabavki” dana 18.05.2026. godine je:

**„TTU- ENERGETIK“ d.o.o. Tuzla**

#### Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

#### Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenta iz člana 45. stav 2) pod a), b), c) i d) Zakona o javnim nabavkama BiH.

#### Obrazloženje

U predmetnom otvorenom postupku javne nabavke, objavljenom na portalu javnih nabavki dana 18.05.2026. godine, ponude su blagovremeno dostavili sljedeći ponuđači:

1. „ENEK B&E“ d.o.o. Sarajevo	sa cijenom od	<b>80.000,00 KM</b>
2. „ERAX INVEST“ d.o.o. Banovići	sa cijenom od	<b>80.000,00 KM</b>
3. „TTU- ENERGETIK“ d.o.o. Tuzla	sa cijenom od	<b>80.000,00 KM</b>

Zapisnik sa otvaranja ponuda po Otvorenom postupku broj 2000045842 od 08.06.2026. godine je dostavljen učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14, 59/22, 50/24) i podzakonskim aktima.

Komisija za javne nabavke imenovana Odlukom direktora broj 02-55-2-4599-1/2026 od 07.04.2026. godine, izvršila je otvaranje, pregled i evaluaciju pristiglih ponuda i utvrdila da svi ponuđači zadovoljavaju eliminatorne kriterije zahtijevane tenderskom dokumentacijom, te su učestvovali u daljoj fazi postupka javne nabavke i to za planirano provođenje „e-aukcije“.

Početna rang lista ponuđača koji su pozvani da učestvuju u e-aukciji („kriterij najniža cijena“)

Naziv ponuđača i sjedište	Iznos ponude	Osvojena pozicija
„ENEK B&E“ d.o.o. Sarajevo	80.000,00 KM	1.
„ERAX INVEST“ d.o.o. Banovići	80.000,00 KM	1.
„TTU- ENERGETIK“ d.o.o. Tuzla	80.000,00 KM	1.

Ugovorni organ je nakon unošenja svih prihvatljivih ponuda u sistem „e-Nabavke“ izvršio zakazivanje, to jest odredio početak i dužinu trajanja e-aukcije za dan 12.06.2026. godine u 13:30 sati sa dužinom trajanja od 10 minuta. „E-aukcija“ je uspješno okončana u 14:00 sati, te je formirana nova konačna rang lista ponuđača.

Konačna rang lista ponuđača nakon provedene „e-aukcije“ prema kriteriju za vrednovanje ponuda **„najniža cijena“** - tabelarni pregled, počev od najuspješnije ka najmanje uspješnoj je slijedeća:

Naziv ponuđača i sjedište	Iznos ponude	Osvojena pozicija
„TTU- ENERGETIK“ d.o.o. Tuzla	67.000,00 KM	1.
„ERAX INVEST“ d.o.o. Banovići	67.400,00 KM	2.
„ENEK B&E“ d.o.o. Sarajevo	80.000,00 KM	3.

Na osnovu kriterija „najniža cijena“, ponuda ponuđača: „TTU- ENERGETIK“ d.o.o. Tuzla je najpovoljnija sa ukupnom cijenom ponude u iznosu od **67.000,00 KM bez PDV-a**, na paritetu DDP-a TE „Tuzla“, te je nakon izvršene ukupne ocjene ponuda, osvojila prvu (1) poziciju po predmetnom javnom nadmetanju.

Obzirom na prednje izneseno, donesena je odluka kao u dispozitivu.

**Pravna pouka:**

Protiv ove Odluke može se podnijeti žalba ugovornom organu (JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla) u roku od 10 (deset) dana od dana prijema ove Odluke.

CO:

- Ponuđačima
- 55
- a/a

Izvršni direktor za proizvodnju  
Fahrudin Tanović

